



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LUHUHI/THAFAMUHWE 2011

MARAGA: 80

TSHIFHINGA: awara 2½

Bammbiri ili li na masiatari a 20.

PFESESANI

Vhalani ndaela dzi tevhelaho nga vhuronwane ni sa athu u thoma u fhindula mbudziso:

1. Ni humbelwa uri ni vhale siatari ili nga vhuronwane ni sa athu u fhindula mbudziso.
2. Ni songo didina nga u vhala bammbiri lothe. Tolani siatari la Zwi re Ngomu ni swaye nomboro dza mbudziso dzo disendekaho kha bugu dze na guda riwaha uno.
3. Bammbiri heli li na KHETHEKANYO THARU:

KHETHEKANYO YA A: Vhurendi (30)

KHETHEKANYO YA B: Nganea (25)

KHETHEKANYO YA C: Dirama (25)

4. Fhindulani mbudziso THANU dzo fhelela: tharu kha KHETHEKANYO YA A, nthihi kha KHETHEKANYO YA B na nthihi kha KHETHEKANYO YA C nga ndila i tevhelaho:

- KHETHEKANYO YA A: VHURENDI

ZWIRENDO ZWO RANDELWAHO: Fhindulani mbudziso MBILI.

TSHIRENDO TSHI SONGO RANDELWAHO: Fhindulani mbudziso NTHIHI.

- KHETHEKANYO YA B: NGANEA

Fhindulani mbudziso NTHIHI.

- KHETHEKANYO YA C: DIRAMA

Fhindulani mbudziso NTHIHI.

5. KUNANGELE KWA PHINDULO KHA KHETHEKANYO YA B (NGANE) NA YA C (DIRAMA)

- Fhindulani mbudziso idzi ndapfu na pfufhi u bva kha nganea na dirama zwe na funzwa.

- Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI. Arali na fhindula mbudziso ndapfu kha KHETHEKANYO YA B, ni fanela u fhindula mbudziso pfufhi kha KHETHEKANYO YA C. Arali na fhindula mbudziso pfufhi kha KHETHEKANYO YA C, ni fanela u fhindula mbudziso ndapfu kha KHETHEKANYO YA B.

Mutevhe wa u sedzulusa u do ni thusa.

6. VHULAPFU HA PHINDULO

- Vhulapfu ha phindulo ya mbudziso ndapfu kha vhurendi ndi maipfi a u bva kha 250 u ya kha 300.
- Vhulapfu ha phindulo ya mbudziso ndapfu kha nganea na kha dirama ndi maipfi a u bva kha 400 u ya kha 450.
- Vhulapfu ha phindulo ya mbudziso pfufhi kha vhu tshimbilelane na na maraga dzo nekedzwaho.

7. Tevhedzani ndaela dzo nekedzwaho mathomoni a khethekanyo iiwe na inwe nga vhuronwane.

8. Nomborani phindulo dzañu kokotolo sa zwe mbudziso dza nomboriswa zwone kha bammbiri la mbudziso.

9. Thomani khethekanyo INWE na INWE kha siatari LISWA.

10. Nwalani nga vhudele, nahone zwi vhaleaho.

11. Ndangatshifhinga yo anganywaho:

- KHETHEKANYO YA A: minetse ya 40
- KHETHEKANYO YA B: minetse ya 55
- KHETHEKANYO YA C: minetse ya 55

ZWI RE NGOMU**KHETHEKANYO YA A: VHURENDI****Vhurendi ho randelwaho: Fhindulani mbudziso MBILI DZINWE NA DZINWE.**

NOMBORO	MBUDZISO	MARAGA
1. Vhungoho	Mbudziso ndapfu	10
KANA		
2. Ho nengiwa	Mbudziso pfufhi	10
KANA		
3. Demokirasi	Mbudziso pfufhi	10
KANA		
4. Vhutudzi ho difha maanda	Mbudziso pfufhi	10
NA		

Vhurendi vhu songo randelwaho: Fhindulani mbudziso NTHIHI

5. Tshifhinga tsho tambiseaho	Mbudziso ndapfu	10
KANA		
6. Tshifhinga tsho tambiseaho	Mbudziso pfufhi	10

KHETHEKANYO YA B: NGANEA**Fhindulani mbudziso NTHIHI.***

7. <i>Tshi do lilwa</i>	Mbudziso ndapfu	25
KANA		
8. <i>Tshi do lilwa</i>	Mbudziso pfufhi	25
KANA		
9. <i>Bulayo lo talifhaho</i>	Mbudziso ndapfu	25
KANA		
10. <i>Bulayo lo talifhaho</i>	Mbudziso pfufhi	25
KANA		
11. <i>Mafeladambwa</i>	Mbudziso ndapfu	25
KANA		
12. <i>Mafeladambwa</i>	Mbudziso pfufhi	25

KHETHEKANYO YA C: DIRAMA**Fhindulani mbudziso NTHIHI.***

13. <i>Ha u tsa ndi ha u gonya</i>	Mbudziso ndapfu	25
KANA		
14. <i>Ha u tsa ndi ha u gonya</i>	Mbudziso pfufhi	25
KANA		
15. <i>Milomo ya nukala</i>	Mbudziso ndapfu	25
KANA		
16. <i>Milomo ya nukala</i>	Mbudziso pfufhi	25

*PFESESANI: Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI.

MUTEVHE WA U SEDZULUSA

Ivhani na vhutanzi ha uri no fhindula mbudziso dzothe nga u vhea luswayo kha uyu mutevhe wa u sedzulusa:

KHETHEKANYO	MBUDZISO	TSHIVHALO TSHA MBUDZISO TSHO TEAHO	X
A: Vhurendi (Tshirendo tsho randelwaho)	1 – 4	2	
A: Vhurendi (Tshirendo tshi songo gudelwaho)	5 – 6	1	
B: Nganea (Mbudziso ndapfu kana mbudziso pfufhi)	7 – 12	1	
C: Dirama (Mbudziso ndapfu kana mbudziso pfufhi)	13 – 16	1	
*PFESESANI: Kha KHETHEKANYO YA B na ya C, fhindulani MBUDZISO NDAPFU NTHIHI na MBUDZISO PFUFHI NTHIHI.			

KHETHEKANYO YA A: VHURENDI

Fhindulani mbudziso MBILI kha NNA dzo vhudziswaho.

VHURENDI HO RANDELWAHO/GUDELWAHO**MBUDZISO 1 (Mbudziso ndapfu)**

Vhalani tshirendo tshi tevhelaho nga vhuronwane ni kone u fhindula mbudziso yo vhudziswaho.

VHUNGOHO – TA Ravhanga

- 1 Vhungoho ndi bako mukuvhatedzi
- 2 Ndi nguvho ya phila
- 3 I dzumbetshedzaho vhuthu ya vhu serisa
- 4 Fhasi ha magovha matswu ha dadamala
- 5 Vhuthu ha ima he dzi!

- 6 Vhungoho ndi murunzi wa tshinada
- 7 Murunzi u sa fhisu u sa rotholi
- 8 Ndi dzhavhelo la hothe vhuthu
- 9 Ho xedza yothé ngelekanyo vhutshiloni
- 10 Vhuthu ho farwaho nga ndado.

- 11 Vhungoho ndi dzhavhelo li sa wi
- 12 Naho mudalo u wa Noaxe
- 13 Ndi tombo li sa tseki
- 14 Nge mudzi walo wa shanduka munanga
- 15 Pharani dza dzithombo dza sunguvhela.

- 16 Vhungoho ndi tshiguru tshi sandwaho
- 17 Nga wa mbilu yo furaho tshimbevha
- 18 Nga u hanwani ha dzulela u thakha
- 19 Sa khali ya tshisese.

- 20 Vhungoho ndi musevhe u pfulaho zwihulu
- 21 U kundaho na diabolo u ima
- 22 Nga vhutulu ha sia la bulayo
- 23 Kha we ndilani a ima
- 24 A tshi lingedza u thivha mulambo nga tshanda.

Sengulusani zwishumiswa zwa mibvumo zwi tevhelaho ni tshi sumbedza uri zwi tutuwedza hani thalutshedzo ya tshirendo itshi:

- Asonentsi

- Alitharesheni
- Pfanapheledzo
- Onomatopia (maipfi a bviselaho khagala miungo ya zwithu na kuitele). [10]

KANA**MBUDZISO 2 (Mbudziso pfufhi)**

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

HO NENGIWA – WMR Sigwaghulimu

- 1 Madida mbilu, madida mbilu
- 2 Muri wa murunzi wo sikuwa
- 3 Venda lo alariwa nga gole litswu
- 4 Duvha lo kovhela hu masiari.

- 5 Ri vhidzelela nnyi wee,
- 6 Ri pfiwa nga nnyi wee
- 7 Kha vhutungu vhungafha
- 8 Ho tsikaho shango la Venda.

- 9 Inwi zwiñoni ni fhufhafhufhaho
- 10 Inwi miri na dzithavha
- 11 Na inwi milambo ni elelaho
- 12 No vhona mini, no pfa mini.
- 13 Ni a zwi ñivha na zwo waho
- 14 A no ngo zwi pfa naa zwa u xa ha mativha
- 15 Yawee, ro tangulwa
- 16 Khosikhulu muphuresidennde Vho PR Mphephu
- 17 Vho dzama.
- 18 Iwe ñuvha u ñengeledzaho u tshi bva vhubvañuvha.
- 19 Wo vha u hone muhali washu a tshi bva
- 20 Nazwino u hone wo mu vhona a tshi kovhela
- 21 A suvhela maswiswini a vhuhwi.

- 22 Zwa Mudzimu a zwi fhedzwi nga muthu
- 23 Ndi thai i si na mubuli

- 24 Lufu ndi ñamidza la ndozwo
- 25 Lu godimisa vhahali na magoswi.

26	Ri na afhio maano?
27	Vhutali hashu ndi vhufhio?
28	Dzinzambo dzashu dzi ngafhi?
29	Ri fhufhe nzarara ri pfuke mulavhu
30	Kha ri rudze mbilu ri zwi tanganedze
31	Muhali vho ya vhuaweloni ha mirafho
32	Zwe vha shuma vho shuma
33	Ndi lone ifa lashu.

- 2.1 Topolani vese/mataladzi une wa sumbedza uri zwivhuya zwe vhathu vha vha vha tshi diphiña ngazwo two fhela. (1)
- 2.2 Talutshedzani muhumbulo muhulwane wo faredzwaho nga vese 5 – 8 . (2)
- 2.3 Ndi figara-de ya muambo ye murendi a i shumisa kha vese 24? (1)
- 2.4 Murendi u vhona u dzama ha Vho PR Mphephu nga ndila-de? (2)
- 2.5 Vhudipfi ha murendi ndi vhufhio tshirendoni itshi? Tikedzani phindulo yanu. (2)
- 2.6 Ndi tshiga-de tsha vhurendi tshe murendi a tshi shumisa kha vese 12 na 15? Dovhani ni sumbedze mushumo watsho kha dzenedzo vese? (2)
[10]

KANA

MBUDZISO 3 (Mbudziso pfufhi)

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

DEMOKIRASI – TZ Ramaliba

- | | |
|---|---|
| 1 | Iwe demokirasi |
| 2 | Wo disa mulalo kha vhatshena na kha maindia |
| 3 | Wa disa pfiriri kha Vhavenda |
| 4 | Nge vha si u divhe |
| 5 | Vhe iwe u hulisa vhana na vhasadzi |
| 6 | Khotsi a shanduka nwana |
| 7 | Hone zwi songo fanela |
| 8 | Iwe u muvhuya kha vhothe |
| 9 | Vha tou sa u divha |

10	Iwe demokirasi
11	Vhanzhi ngoho a vha u di
12	Nge vha u edanyisa sa munna na musadzi
13	Musadzi a vha munna
14	Ayo ndi mazwifhi magagagaga
15	Munna hu uri u do di dzula e munna
16	Musadzi a dzula e musadzi
17	Iwe demokirasi
18	Tsinde li di dzula li tsinde
19	Tavhi la di dzula li tavhi
20	Tsinde a li tikiwi nga tavhi
21	Tavhi li bva tsindeni
22	Musadzi na nwana ndi matavhi
23	Zwiwa matavhini zwi bva kha tsinde
24	Tsinde ndi lone tshisima tsha zwiliwa
25	Demokirasi ndi u ita two fanelaho u itwa nga muthu.
26	Demokirasi a si u ita zwine muthu a funa nga tshifhinga tshine a funa ngatsho
27	Pfanelo ya muwe i wanala nthha ha ya muwe
28	Muwe na muwe u na pfanelo dzawe
29	Heneho hune a vha hone
30	Khosi i do dzula i khosi
31	Khotsi na ene u do dzula e khotsi
32	Musadzi a dzula e musadzi
33	Musadzi na ene a vha musadzi
34	Khotsi u tea u dzula e kha ndinganyelo.

- 3.1 Topolani vese/mutaladzi une wa amba uri munna ndi ene ane a ita uri zwiliwa zwi vhe hone mudini. (1)
- 3.2 Talutshedzani muhumbulo muhulwane wo faredzwaho nga vese/mutaladzi 17 – 21. (2)
- 3.3 Ndi figara-de ya muambo yo shumiswaho kha vese/mutaladzi 12? (1)
- 3.4 No sedza tshirendo itshi, ni vhona murendi a tshi dzhia demokirasi nga ndila-de? (2)
- 3.5 Vhudipfi ha murendi ndi vhufhio tshirendoni itshi? Khwathisedzani. (2)
- 3.6 Ndi thumano/ndungekanyo-de yo shumiswaho kha mitaladzi/vese 32 – 33? Muwali o i shumisela u bveledza muhumbulo ufhio? (2)
- [10]

KANA

MBUDZISO 4 (Mbudziso pfufhi)

Vhalani tshirendo tshi tevhelaho nga vhuronwane uri ni do kona u fhindula mbudziso dzo disendekaho khatsho.

VHUTUDZI HO DIFHA MAANDA – NA Milubi

- 1 Yawee! Vhutudzi ha u rengisa mivhili
 2 Vhana vha^{la} vhashu vhavhu

di

^{hudi}
 3 Vhala vhe vha vha na mapfura n^{de}vheni
 4 Vha vho ima fha^{la} badani na zwibadwanani
 5 Hone Thohoyandou na huⁿwe-vho
 6 Vha bvula vha tana mivhili yavho vha si tsha shona
 7 Nga ndala fhedzi-fhedzi
 8 Zwe mulovha fhano muno zwa vha zwi siho.
 9 Vhoinwi vhana vhashu vha fhano muno
 10 No bebwaho na mvumbo
 11 Mvumbo yo tokaho midzi fhasi
 12 Midzi yaⁿu yo tupulwa lini nahone nga nnyi?
 13 Na sala ni tshi vho nga makengevhe^da
 14 A sa fariho tshithu
 15 A sa bikiho tshithu
 16 Vhoinwi vhuhulwane na vhahuluhulu
 17 Tshelede asiyo, i khou mona-mona phanda haⁿu
 18 Takutshedzani
 19 Ni tshimbile ndilani na zwidilanani
 20 Sa gandakanda li no khura zwo^{the} zwi re ndilani ya^{lo}
 21 Na vhoiwi ni ralo ni tshi khurela kule
 22 Hovhu vhusula ho shandukaho tsheⁿe
 23 Tsheⁿe i vayaho, tsheⁿe ya tshithavhamisisi.
 24 I no do ni vaya matshelo
 25 Na vho do balelw^a na u takusa u re waⁿu mulenzhe.

- 4.1 Topolani mutualadzi u sumbedzaho uri vhana avha vha itaho vhutudzi kale vho vha vha tshi p^{fe}sesa. (1)
- 4.2 Talutshedzani zwine mitaladzi/vese 1 – 8 dza amba zwone. (2)
- 4.3 Ndi figara-de ya muambo yo shumiswaho kha vese/mutaladzi 20. (1)
- 4.4 Murendi u vhaba avha vhana vha rengisaho mivhili nga ndila-de? (2)
- 4.5 Vhudipfi ha murendi ndi vhufhio kha tshirendo itshi? (2)

- 4.6 Ndi tshiga-de tsha vhurendi tsho shumiswaho kha mitaladzi/vese 23,
nahone murendi o tshi shumisa hu u itela u bveledza muhumbulo ufhio? (2)
[10]

NA

VHURENDI VHU SONGO GUDELWAHO/RANDELWAHO

MBUDZISO 5 (Mbudziso ndapfu)

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

TSHIFHINGA TSHO TAMBISEAHO – TR Ratshitanga

- 1 Tshifhinga tsho tambiseaho tshi nga tsimu ya shubi
- 2 Yo ladzwaho nga muñe wayo.
- 3 Tshi nga notshi yo hwalaho tshinda, i re ñalani dza buvhi,
- 4 Ine u ñivhofholola afho a vha maanda ayo.
- 5 A zwe ngo fhambana na musadzi wa lunako,
- 6 O dodzaho tshifhatuwo tshawe midziru.
- 7 Zwa di nga lurere lwavhuði nga tshifhinga tsha tshifhangi,
- 8 Kana muñali a khodaho matsilu.
- 9 Zwi kha di vha luña lwenzhe lwo fungwaho,
- 10 Lwe muñe walwo a tiba nga tshirundu.
- 11 Vha loshaho izwi ndi vhalá vho fhurwaho,
- 12 Ngeno mbiluni dzavho vha tshi ñiita zwifhungu.
- 13 Swina la tshifhinga ndi mudifho na hana,
- 14 Vhunga zwenezwo zwi tshi thivha budó lau.
- 15 Rohe ri swika na mushumo u thoma zwila ri vhana.
- 16 Tshikundisi ndi u sa tokonya muhumbulo wau.
- 17 Muthu shangoni ha ngo dela mudifho,
- 18 Vhunga na Khotsi a songo mu sikela won.
- 19 Tshawe o dela u sia yawe ndivho,
- 20 Nga he Muñe wawe a tama nga hone.

Sengulusani kushumiselwe kwa zwifanyiso zwa muhumbulo ni tshi sumbedza uri zwi tuñuwedza hani thalutshedzo ya tshirendo itsi. [10]

KANA

MBUDZISO 6 (Mbudziso pfufhi)

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

TSHIFHINGA TSHO TAMBISEAHO – TR Ratshitanga

- 1 Tshifhinga tsho tambiseaho tshi nga tsimu ya shubi
 2 Yo ladzwaho nga muñe wayo.
 3 Tshi nga ḥotshi yo hwalaho tshinda, i re ḥalani dza buvhi,
 4 Ine u ḥivhofholola afho a vha maanda ayo.
- 5 A zwe ngo fhambana na musadzi wa lunako,
 6 O dodzaho tshifhatuwo tshawe midziru.
 7 Zwa ḥi nga lurere lwavhud̄i nga tshifhinga tsha tshifhangō,
 8 Kana muṭali a khodaho matsilu.
- 9 Zwi kha ḥi vha luža lwenzhe lwo fungwaho,
 10 Lwe muñe walwo a tiba nga tshirundu.
 11 Vha loshaho izwi ndi vhałā vho fhurwaho,
 12 Ngeno mbiluni dzavho vha tshi ḥiita zwifhungu.
- 13 Swina ḥa tshifhinga ndi mudifho na hana,
 14 Vhunga zwenezwo zwi tshi thivha budo lau.
 15 Rothe ri swika na mushumo u thoma zwiła ri vhana.
 16 Tshikundisi ndi u sa ḥokonya muhumbulo wau.
- 17 Muthu shangoni ha ngo ḥela mudifho,
 18 Vhunga na Khotsi a songo mu sikela wonē.
 19 Tshawe o ḥela u sia yawe ndivho,
 20 Nga he Muñe wawe a tama nga hone.

- 6.1 Topolani vese/mutaladzi une wa amba uri zwithu zwi lwaho na tshifhinga ndi u funesa midifho ya shango na u sa aluwa. (1)
- 6.2 Bulani tshithu TSHITHIHI tshine murendi a tshi vhambedza na u tambisea ha tshifhinga. (1)
- 6.3 Ni guda mini nga tshirendo itshi? (2)
- 6.4 Ipfi 'shubi' kha mutaladzi/vese 1 li bveledza muhumbulo ufhio? (2)
- 6.5 Vhudipfi ha murendi ndi vhufhio tshirendoni itshi? (2)
- 6.6 Ndi figara-de ya muambo yo shumiswaho kha mutaladzi/vese 3, nahone murendi o i shumisela u bveledza muhumbulo ufhio? (2)
- [10]

THANGANYELO YA KHETHEKANYO YA A: 30

KHETHEKANYO YA B: NGANEA

Fhindulani mbudziso NTHIHI kha khethekanyo iyi.

MBUDZISO 7 (Mbudziso ndapfu)***TSHI DO LILWA – NE PHASWANA***

Sengulusani ni tshi sumbedza ndila ye muñwali a bveledza ngayo **khudano** nganeani iyi.

[25]

KANA**MBUDZISO 8 (Mbudziso pfufhi)*****TSHI DO LILWA – NE PHASWANA***

Vhalani tshipiда tsha mafhundo tshi bvaho buguni iyi uri ni ḫo kona u fhindula mbudziso dzi no tshi tevhela.

Vho-Emeli vho zwi vhona zwauri a si miloro ndi ngoho yo fhelelaho; 1
 Dzhalagoma ndi riwana wa Mudzimu; o rembuluwa; nahone u khou ya 2
 u nea vhuñanzi matshelo kerekene. Zwiphiri zwi khou ya u bvela 3
 khagala. Ndi ngoho, tshi ḫo lilwa!! Dzhalagoma u ḫo ambulula a sa tati 4
 na u ofha tshithu; saizwi Murena a tshi ḫo ima nae khakhathini na u 5
 mu pilela kha zwezwe zwi daho. 6

He vhatanganha havha vha dzhena ngaho, a hu na ane a nga hu ḫalusa. 7
 Fhedzi saizwi mulindi wavho wo no ḫala nga madi, vha ḫo bva vha tshi 8
 ima bogisini vho lavhelesana na madzhisitiraña na ene mutshutshisi 9
 ngeno a re Dzhalagoma a tshi ḫo vha o no vha thanzi ya muvhuso. 10

- | | | |
|-----|--|-----|
| 8.1 | Ndi tshiwo-de tsho itaho uri hu vhe na aya mafhundo ane a khou ambiwa afha? | (2) |
| 8.2 | Vhatanganha vhane vha khou ambiwa afha mafhungoni aya ndi vhafhio nahone vha wela kha lushaka-de lwa vhaanewa? | (2) |
| 8.3 | Ndi zwifhio zwine na guda nga vhutshilo ha Dzhalagoma? | (2) |
| 8.4 | Mafhundo aya e na vhala one a vhumba tshipiда tshifhio tsha puloto?
Tikedzani phindulo yanu. | (2) |
| 8.5 | Zwiphiri zwine Dzhalagoma a pfi u ḫo bululula ndi zwifhio, nahone zwe tutuwedza hani khudano ya buguni iyi? | (3) |

- 8.6 Hone tshipida itsi tshe na vhala tshi ni sumbedza bugu yo riwalwa nga muanetsheli muthu wa vhungana? Tikedzani phindulo yanu. (3)
- 8.7 Fhindulani mbudziso dzi tevhelaho nga *Ee* kana *Hai*, ni dovhe ni tikedze phindulo yanu:
- 8.7.1 Mafhundo a bugu iyi a khou bvelela Venda la mulovha. (2)
- 8.7.2 U rembuluwa ha Dzhalagoma kerekene ho bvisela khagala luniwe lushaka lwa lishandafhungo. (2)
- 8.8 Mitaladzi 6 – 9 i ri sumbedza uri magevhenga aya zwo vha zwi tshi kondiuri vha farwe. Tikedzani vhungoho ha fhungo ili nga zwi bvaho buguni. (2)
- 8.9 Ndi siangane-de yo itaho uri Vho-Emeli vha tshile nga ndila ye vha tshila ngayo? Sedzulusani. (3)
- 8.10 Bviselani khagala vhudipfi hanu nga ha mafhundo e na vhala. (2)
- [25]

KANA**MBUDZISO 9 (Mbudziso ndapfu)*****BULAYO LO TALIFHAHO – AW Magau***

Sengulusani ni tshi sumbedza ndila ye muniwali a bveledza ngayo **khudano** nganeani iyi.

[25]

KANA**MBUDZISO 10 (Mbudziso pfufhi)*****BULAYO LO TALIFHAHO – AW Magau***

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzi no tshi tevhela.

Vhukati ha vhusiku nga Mugivhela wa vhege yeneyo Vho-Mukhetho vha gonya thavhani Mphegane u yo suma tshipfumelo. Vho-Mphaga itsi tshipfumelo vha tshi tenda tshiloi. Vha dadzisa ngauri tshipfumelo tsho ita zwone tsha vha kholomo. Dziinwe dzadzo vha ri vha do dzi thavha duvha hu na vhaeni nga Gudufuraidei. 'Mafhundo manzhi ndi do amba na vhoiwi nga murahu ha Gudufuraidei.' Ndi Vho-Mphaga honoho vhusiku vhe na Vho-Mukhetho ngomu thondwanani ine vha di dzula hone na vhaeni vhahulwane. Vha tshi isa phanda vha ri, 'U shavhisa ma to a vhatu vhoiwi imani ri do amba nga murahu ha Gudufuraidei magaraba o no balangana. Tenda ni sa vhe na mulomoni. Ndi uri nga hetshi tshifhinga hu do vha hu na vhaeni vha bvaho kule. Zwino vhuraru hanu ndi ni humbela u thusa nga u phalala vhueni siani la zwiliwa nga Mugivhela u tevhelaho Gudufuraidei.'

'Ndau ya nduna muhali, izwo ri do ita hafhu iteli u wone mushumo washu.' Ho no vha vhukati ha vhusiku vhuhulu vho no di amba mafhundo manzhi afho thondwanani, Vho-Mukhoho vha luvha vha tuwa.

- 10.1 Ndi tshiwo-de tsho itaho uri hu vhe na aya mafhundo ane a khou ambiwa afha? (2)
- 10.2 Musi vhamusanda vha tshi amba na Vho-Mukhoho vha ri 'vhoinwi', vho vha vha tshi khou vha badekanya na vhonnyi? Vhathu vhenevha vha wela kha lushaka lufhio lwa vhaanewa? (2)
- 10.3 Ndi zwifhio zwine na guda nga vhutshilo ha Vho-Mukhoho? (2)
- 10.4 Mafhundo aya a wela kha tshipida tshifhio tsha puloto? Tikedzani phindulo yanu. (2)
- 10.5 Mafhundo ane Vho-Mukhoho vha khou pfumelwa khao o tutuwedza hani khuqano buguni iyi? (3)
- 10.6 Mafhundo e na vhala a a ri thusa u vhona uri bugu yo niwalwa nga muanetsheli muthu wa vhungana? Inwi mu buleni ni dovhe ni tikedze phindulo yanu. (3)
- 10.7 Fhindulani mbudziso dzi tevhelaho nga *Ee* kana *Hai*, ni dovhe ni tikedze phindulo yanu.
 - 10.7.1 Mafhundo a bugu iyi a khou bvelela Venda la mulovha. (2)
 - 10.7.2 Phungo ili la Vho-Mphaga ho vha na lishandashungo khalo: 'U shavhisa ma to a vhathu vhoinwi imani ri do amba nga murahu ha Gudufuraidei magaraba o no balangana.' (2)
- 10.8 Ndi ngani muriwali a tshi ri Vho-Mphaga 'tshipfumelo vho tshi tenda tshiloi'? (2)
- 10.9 Ndi siangane-de yo itaho uri tshikwekwe tsha Vho-Mukhoho na thama dzavho tshi shume kha Vho-Lugisani? Talutshedzani. (3)
- 10.10 Bviselani khagala vhudipfi hanu nga ha mafhundo e na vhala. (2)

[25]

KANA

MBUDZISO 11 (Mbudziso ndapfu)***MAFELADAMBWA – NE Sigogo***

Sengulusani ni tshi sumbedza ndila ye muñwali a bveledza ngayo **khudano** nganeani iyi.

[25]

KANA**MBUDZISO 12 (Mbudziso pfufhi)*****MAFELADAMBWA – NE Sigogo***

Vhalani mafhungo a tevhelaho uri ni ñ do kona u fhindula mbudziso dzo ñisendekaho khao.

'Uyu muñthannga vha a mu ñivha naa?'	1
'Ee, ndi a mu ñivha, ndi Mawela.'	2
'Vha mu ñivhela ngafhi?'	3
'Ndi a mu ñivha ngauri ndi ñiwana wanga.'	4
'Hoo! Arali e ñiwana wavho, vho vha vha sa zwi ñivhi kana vha sa zwi vhoni uri haho nduni vhone vho edela?'	5
'Muñe wanga,' Vho-Ramasunzi vha ita vha tshi fhelelwa na nga mare musi vha tshi amba.	6
'Nñe ndo ri ndi tshi edela nda pfa mme awe a tshi ri o onesa uri u khou ya u dzedza ha khonani yawe. Ndi ñivha zwenezwo.'	7
'Ndi zwone, itshi tshi re afha ndi mini?'	8
'Ndi tshigubu tshi re na zwikadzwi zwa pitirolo nga ngomu hatsho.'	9
'Mathina mukalaha vha kha ñi kona u vñona zwavhuñi. Zwino afha tshandani tshawe o fara mini?'	10
'Mune wanga, ndi mentshisi.'	11
'Ndi zwavhuñi mukalaha, kha ri tshimbile na ilá nnđu.' Musi vho no fhedza, vho mbo di dzhenisa uña muswuhana venini vha tuwa nae. Vha re Vho-Lialama na vhone Vho-Ramasunzi vho pfi vha tevhele nga la matshelo nga matsheloni.	12
	13
	14
	15
	16
	17
	18

- 12.1 Ndi tshiwo-de tshe tsha rumeledza avha vhathu u swika kha mufhindulano uyu? (2)
- 12.2 'Mukalaha' vha no khou ambiwa afha ndi vhonnyi nahone vha wela kha lushaka-de lwa vhaanewa? (2)
- 12.3 Ndi zwifhio zwine na guda nga vhutshilo ha Mawela? (2)
- 12.4 Mafhungo aya e na vhala hone a vhumba tshipida tshifhio tsha puloto? Tikedzani phindulo yanu. (2)

- 12.5 Kutshilele kwa Mawela kwo ḫuṭuwedza hani khuḍano buguni iyi? (3)
- 12.6 Mitaladzi 16 – 18 i a ri thusa u vhona uri bugu yo ḥwalwa nga muanetsheli muthu wa vhungana. Inwi mu buleni ni dovhe ni tikedze phindulo yaṇu. (3)
- 12.7 Fhindulani mbudziso dzi tevhelaho nga *Ee* kana *Hai*, ni dovhe ni tikedze phindulo yaṇu:
- 12.7.1 Mafhungo a bugu iyi a khou bvelela Venda ḫa mulovha. (2)
 - 12.7.2 Ho vha na ḫishandafhungo ḫi kwamaho vhutshilo ha Mawela na zwe a vha a tshi ḫolou laiwa nga mme awe. (2)
- 12.8 Vho-Ramasunzi vho ḫo tshuwisa vhukuma nga vhuṭanzi ho ḫewaho nga Mawela mapholisani. Sumbedzani vhungoho ha fhungo ḫili nga zwi bvaho buguni. (2)
- 12.9 Ndi siangane-de yo itaho uri Mawela a tshile nga ndila ye a tshila ngayo? Sedzulusani. (3)
- 12.10 Bviselani khagala vhuḍipfi haṇu nga ha mafhungo e na vhala na nga zwo iteaho nga murahu. (2)

THANGANYELO YA KHETHEKANYO YA B: 25 [25]

KHETHEKANYO YA C: DIRAMA

Fhindulani mbudziso NTHIHI kha khethekanyo iyi.

MBUDZISO 13 (Mbudziso ndapfu)

HA U TSA NDI HA U GONYA – LL Mafenya na NA Milubi

RALUTANDA – NA Milubi

Sengulusani kubveledzelwe kwa dirama iyi no disendeka kha:

- U wana nwongo/muhumbulo muhulwane
- Tshivhumbeo
- Kudzudzanyele kwa tshiteidzhi.

[25]

KANA**MBUDZISO 14 (Mbudziso pfufhi)**

HA U TSA NDI HA U GONYA – LL Mafenya na NA Milubi

NA ZWONE ZWI A DINA – LL Mafenya

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

Marubini: U sa divha Musandiwa wanga, nda thusea hu hone ndo ya kha zwihulu. Ndi hune nda do vhona vhana vha tshi bebiwa duvha linwe na linwe nda do zwi kona. Ngoho ndo dinea tshigwevho tsha vhutshilo hanga hothe. Houla nwana we nda vhulaha ndi do mu humbula. Khavhe ndi iswe zwanga vhutea-mita, ndo vha ndi tshi do thusa nga maanda vhasidzana havha vhane nda khou vhona vha tshi khou nula thumbu sa khovhe. Zwi a dina hezwi zwithu, u zwi lifha vhutshilo hau hothe. Zwino a si zwenezwi, ndi hune Musumbuluwo nne nda do ri ndi tshi amba nda ri mini? Aredi ndi do vhona li tshi swika, tshe ndi sokou vha ndi tshi khou shuma. (*A bva*).

- | | | |
|------|---|-----|
| 14.1 | Muambi wa mafhundo aya u khou amba e ngafhi? | (1) |
| 14.2 | Ndi mini tsho itisaho uri muambi a pfe a si tsha difhelwa? Talutshedzani. | (2) |
| 14.3 | Ndi zwifhio zwine na zwi vhenga kha vhutshilo ha Murubini? | (2) |
| 14.4 | Tshivhangi tsha khuļano kha litambwa ili iyi ndi tshifhio? | (2) |
| 14.5 | Muňwali o kona u ri sia muyani kha litambwa ili. Tikedzani phindulo yanu. | (2) |

- 14.6 Ndi zwifhio zwe na guda nga litambwa ili? (2)
- 14.7 Kuambele ukwu kwa Marubini ku mu bvisela khagala sa muthu-de? (2)
- 14.8 Muñwali o zwi kona u gumafhi u shumisa luambo kha mafhungo e na vhala? (3)
- 14.9 Tshikolo tshi a thusa kha u nea vhagudi ngeletshedzo dza vhutshilo, vhañwe vha di tou nanga u sa pfā. Tikedzani. (2)
- 14.10 Kuvhonele kwa muñwali siani la vhasidzana vha bvisaho dzithumbu inwi ni vhona ku kwone na? Tikedzani phindulo yañu. (3)
- 14.11 Arali ho vha hu inwi Marubini ni tshi khou haniwa nga muthannga we a ni tshinya no vha ni tshi do ita mini? (2)
- 14.12 Ni a pfela vhutungu Marubini kha zwe a tangana nazwo? Tikedzani phindulo yañu. (2)

[25]

KANA**MBUDZISO 15 (Mbudziso ndapfu)*****MILOMO YA NUKALA – MP Nefefe***

Sengulasni kubveledzelwe kwa dirama iyi no disendeka kha:

- U wana ñwongo/muhumbulo muhulwane
- Tshivhumbeo
- Kudzudzanyele kwa tshireidzhi.

[25]

KANA**MBUDZISO 16 (Mbudziso pfufhi)*****MILOMO YA NUKALA – MP Nefefe***

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

Vho-Bukuña: (*Vha tshi sala vha tshi amba vhe vhothe*) U ya penga hoyu musadzi. Hoyu mutukana ndi fanela u dzula ndi tshi khou mu kadzinga. Ha faneli u wana tshifhinga tsha u diphina, vhunga a tshi nga wana tshifhinga tsha u vha tsini na Ntshengedzeni. Zwaralo tshipihiri tshanga tshi nga vho do bvela khagala. O tea u mbona sa ndau mutukana. A re Ntshengedzeni itali o no di tou vha lufarathonga lwanga. Litshani ndi diphine nga maanda anga. Khokhonya itali i tshi la maanda ayo.

- 16.1 Musadzi ane a khou pfi u a penga nga muambi ndi nnyi? (1)
- 16.2 Ndi mini zwo itisaho uri muambi a ambe nga ndila iyi ye a amba ngayo? (2)
- 16.3 No sedza tshipida itshi tshe na vhala na mafhungo a dirama yothe ni vhona ndivho ya dirama iyi i ifhio? (2)
- 16.4 Tshivhangi tsha khudano diramani iyi ndi mini? (2)
- 16.5 Mafhungo aya e na vhala a wela kha tshipida tshifhio tsha puloto? (2)
- 16.6 Kuambele ukwu kwa Vho-Bukuña ku vha bvisela khagala sa muthu-de? (2)
- 16.7 Ndi zwifhio zwine na sanda kha vhutshilo ha Vho-Bukuña. Dodombedzani. (3)
- 16.8 Muñwali o zwi kona u gumafhi u shumisa luambo kha mafhungo e na vhala? (2)
- 16.9 Tshikolo mathina tshi a thusa kha thasululo ya thaidzo dza vhagudi. Tikedzani fhungo ili nga zwi bvaho buguni iyi. (2)
- 16.10 Kuvhonele kwa muriwali siani la vhanna vha tambudzaho vhana lwa vhudzekani ni vhona ku kwone na? Tikedzani phindulo yanu. (3)
- 16.11 Arali ho vha hu inwi Ntshengedzeni ni tshi khou tambudzwa nga khotsi anu no vha ni tshi do ita mini? (2)
- 16.12 Ni a pfela vhutungu Vho-Bukuña kha zwe vha tangana nazwo mafheloni a iyi bugu? Tikedzani phindulo yanu. (2)
- [25]

**THANGANYELO YA KHETHEKANYO YA C:
MARAGAGUTE:**

25

80